

Китдин Олн-ämtнә Республикин күч-көлсчнрин производствен диилврмүд

ПЕКИН, декабрин 26. (ТАСС). Китдин улм-улм олн предприятис джилә зурагъан болн негдгч тавн джилин даалгъвран күцәснә болн давулдж күцәснә туск сонъсхврмуд ирәд бәәнә. Пекинә, Шанхайин, Аньшанә, Цзянсу провинцин заводмулин болн фабриксин коллективс түрүн нүүрт йовцхана.

Тавн джилә даалгъврин зурагъан Харбинә промышленность бүклдән болзгасн арвин турвин сар урд, Синьцзянә предприятис болзгасн арвин сар урд күцәдж дуусцхав.

Төмр хаалгъ тосхачнр тавн джилин эргид, зурагъар хәләгденәс үлү 303 километр төмр хаалгъ олзллгънд орулдж өгцхәв. Төмр хаалгъ эдләчнр зурагъасн давулдж 180 сай тонн олн-зүсн аца зөбцхәв. Модна промышленностин көдлмшчнр чигн эн джил айта гидгәр көдлцхәв. Зугл Дотр Монъгълас, Гуйчжоун болн Гиринә провинсәс орн-нутг

зурагъасн давулдж кесг зун минъгън кубометр мод авб.

Зәрм предприятис ода хойрдгч тавн джилин даалгъвр күцәдж көдлджәнә. „Женьминъжибао“ газетин сонъсхврар болхла, Аньшанә металлургс эн джил 3.300 минъгън тонн цө болн 2.900 минъгън тонн болд хәәлдж гаргъад, тавн джилә зурагъан болд хәәльлгъәр 600 минъгън тонн, цө хәәльлгъәр 100 минъгън тонн давулдж күцәв.

Аньшанцнрин эн диилвр, Советск Союз муугъин ухан угагъар дөнъгән күргснә ашд болн Аньшанә металлургс шин техник дасдж олзлсна ашд күцәгдв гидж „Женьминъжибао“ сонъсхврт тегдгдлджәнә. Китдин металлургин әвртә ик эн предприятиин көдлмшчнр болн инженерно-техническ цергләчнр, государственн ассигнованиг икдүллуга, хойрдгч тавн джилин сүүләр болд хәәлдж гаргългъиг джилин дөрвин сай тонн күргдж икдүлхәр шиидцхәв.